



UKA 2017/113

12/10-2017

Nivi Olsen

**Naalakkersuisut Atuarfik pillugu Inatsisartut inatsississaat nr. 15, 3. De-cember 2012-imeersup kingornalu inatsimmut ilanngunneqarsimasinnaasunut atatillugu atuuttumut nalunaarummut Meeqqat atuarfianni immikkut ittumik atuartitsisarneq aammalu allamik immikkut perorsaanikkut ikiorsiisarneq pillugu Namminersornerullutik Oqartussat nalunaarutaat nr. 22, 23. juli 1998-imeersumut tulluussaaqqinneqarnissamik peqquneqarnissaannik Inatsisartut aalajangiiffissaattut siunnersuut.**

(Inatsisartunut ilaasortaq Debora Kleist, Inuit Ataqatigiit)

(Siullermeerneqarnera)

Demokraatiniik qujarusuppugut Debora Kleistip siunnersuutaanut pingaaruteqartumut.

Ullutsimmi MISI-ip pingaaruteqassusaa pisariaqassusaa annertusingaluttuinnarpoq, tamannalu aamma nuannersoqarlunilu ajuusaarnartortaqrpoq.

Ugguuna nuannerpoq meeqqat pisariaqartitsisut eqqummaariffingineqarnerulernerannut ersiutaammat, assut iluarisimaarnarpoq meerartatta tapersersungassaaneranut tappissuserput annertusiartormat.

Illuatigut aamma ernumanartortaa uaniissoraara, inuiaqatingiinni perorsaariaatsinut tunngassuteqartunik ersarissunik malitassaqqannginnerput aammalu ataatsimoorussatsinnik angajoqqaajugut piumasaaqateqarfingineqannginnerput inuiaqatingiinniik tusiatsitsileraluttuinnarmat.

Peeqqanut killiliinngippallaarneq, sinaakkuteqanngittumillu perorsaaneq tamatta nalunngilarput meeqqamik atuarfimmi malinnaasinnaajunnaarnermik, piumasaaqatinillu naammassinnissinnaannginnermik pilersitsisartoq. Taamaasilluni MISI-mut saaffinginnissutit aamma annertusisimasinnaanerat qularnanngimmat.

Nuannaarutingaarpulli siunnersuuteqartup una qaqimmagu, Naalakkersuisullu akissuteqarmata malittarisassat nutartikkat tulluarsakkallu takkutiliivissut tunngavissaqarsorinngilarput ataatsimiititaliamut ingerlaqqinnissaa.

Neriorsuutingaarpulli naalakkersuisut suliaq sumut killinneranut malinnaavingeqqinnaassangatsigu, siunnersuutingisat pingaaruteqaqimmat, qujanarlu siunnersuuternut.